

HEIDA.



HEIDA Dithmarſiæ opidū quadratum, vt ex picturâ conſtat, prout & forum eius, quod eſt per amplū, longū, latumq; DCCC. paſſus, & in ſingulis IV. angulis vias habet amplas ac Regias in omnes partes Dithmarſiæ ſe extendentes. Dictum eſt hoc opidū ab ERICA, in qua eſt conſtructū. Nam Erica Germanis ſignificat *Heide*: & propterea celebre fuit, quod ſingulis ſeptimanis olim magiſtratus illorū, nempe XLVIII. Iudices ibi cōuenire ac ius dicere ſolebant: quodq; ſingulis diebus Saturni totius terræ ibi nundinæ olim fuerunt habitæ, vt adhuc eo die celebrantur, ſitum enim eſt hoc opidum in medio ferè totius regionis, ita vt ſpatio vnus diei vndique incolæ eò confluere poſſint. Nam cum opus fuit, tota multitudo in huius opidi foro conuenit. Non procul ab hoc opido Anno Domini MCCCCIV. in loco, qui dicitur *Hamme* interfectus eſt Gerhardus Dux Slefviſſenſis, atque Comes Holſatiæ, nec non equites aurati biſſeni, & ex nobilitate Holſatiæ CCC. Sed cum vltimo Dithmarſi ſubacti ſunt à Friderico II. Rege Daniæ & ducibus Holſatiæ anno M.D. LIX. poſtea illorum pœnas eodem ferè loco dederunt, & libertatem, quam ſibi arrogabant, vnâ cum vita amiſerunt, ita vt non procul diſſitis locis diuerſis temporibus viſtores extiterint & victi fuerint. Diſtat hoc opidum ab Itzehoa V. miliaria, Meldorpio vnum, Reudesburgo quinq;

In Op. Heidam Epigramma.

Iſte quid horrendi qui tranſfodit ora draconis?
 Scilicet hunc ſignis contulit HEIDA ſuis.
 Vtq; vigeat multis vitæ ſucceſſibus: armis
 Sic quoque victrices poſſet habere manus,
 Sinon, aduerſo belli certamina victa
 Eſſet Cimbria cum iuſſa ſubire iugum.
 Oppida ſi ſpectes, quibus eſt Dithmarſia nota,
 Poſtremum certè non tenet Heida locum.
 Totius eſt etenim Centrum memorabile terræ,
 Incola quam modico tempore adire poſteſt.
 Per totidemq; vias ſe latè pandit eunti,
 In ſe quot partes integer annus habet.

Hic varias merces Saturni luce reducta
 Semper, Venales ære, videre licet.
 Olim Iudicibus mos, hinc cognoſcere cauſas
 Et varias lites tollere lure fuit.
 Quod ſimul atq; ſemel Dithmarſos excipit omnes
 Cum res expoſcit, poſſidet Heida forum.
 Eſt breue præterea ſpatium, quod diſtat ab Heida
 Notus Dithmarſis Hammeus iſte locus
 Quo Slefviſſenſis dux caſus ab hoſte Gerhardus
 Dithmarſo, vita fata ſuprema tulit.
 Et libertatem cum vita amiſit eodem
 Dithmarſus, magna non ſine clade, loco.

MELDORPIVM.

MELDORPIVM Dithmarſiæ opidum, nomen traxit à ſumine Melda præterlabente quod olim magno ciuium commodo nauigabile fuit, iam, parui tantum cymbis huc vſque nauigatio inſtitui poſteſt. Eſt ibi eccleſia magna, quæ hoc ſibi laudis ſumit, quod prima totius regionis fuerit, in qua paganiſmo ſuppreſſo, Chriſtiana religio annunciata fuit, celebratur ibi ſingulis annis, omnium religioſorum conuentus. Monafterium hic quondam celebre Minoritarum fuit quos ob maiorum vitæ & regulæ licentiam & libertatem, de laxa manica, alibi etiam Gaudentes vocant. Hoc autem Monafterium, ante Dithmarſos ſubactos, ab incolis funditus eſt euerſum. Ibidem etiam extat Schola Ludimagiſtris & Pædagogis eruditis ſatis prouiſa. Ter expugnata & euerſa eſt hæc vrbs. Primū à Geberdo Duce Slefviſſenſe. A.C. M. CCCCIV. Secundò, à Ioanne Rege Daniæ, & Friderico Duce Holſatiæ A.C. M. D. Tandem à Friderico II. Rege Daniæ, ac Ioanne & Adolpho ducibus Holſatiæ A.C. M. D. LIX. Iam floret propter iudicium, quod ibi exercetur ſingulis ſeptimanis, Regis Daniæ nomine. cui præſſe ſolent, præfectus Steinburgenſis, pro tempore Conſiliarius Regius. Deinde præfectus Plebeius Dithmarienſis, & vndecim Senatores in Dithmarſia nati, quibus Scriba Regius adiungitur. Qui omnes habent ſalarium à Rege. Hoc opidum diſtat à Crempa quinque miliaria. Itzehoa quatuor. VViltſtria tria, Heida vnum. Et ſex, Beudesburgo.

Incluta Dithmarſæ caput eſt Meldorpia terræ
 In clypeis quod te pulchra Theatra docent.
 Illius irriguæ ſeſe pars altera terræ
 Iungit, arenofis altera gaudet agris.
 Hæc etiam veterum belli monumenta laborum
 Seruat, & effuſi ſigna Cruoris habet.

Aliud.

Flumine de Milda traxit MELDORPIA nomen,
 Non contemnendæ iam decus vrbs habens.
 Eſt ibi magnificum cultu prædiuite templum:
 Et Schola quæ doctos gaudet habere viros.
 Ter bello ſuperata fuit, Regumque Ducumque
 Victrices ſupplex eſt venerata pedes.